



ՊԱՇՏՈՆԱԿԱՆ ՀԱՂՈՐԴԱԳՐՈՒԹՅՈՒՆ

Նորին Սրբություն Ս. Տ. Վազգեն Ա Ամենայն Հայոց Կաթողիկոսի հրավերով, սույն քվականի ղեկտեմբերի 12-ին Մայր Աթոռ Ս. Էջմիածին այցելեց եկեղեցիների համաշխարհային խորհրդի պատվիրակությունը, որը Սովետական Միություն էր ժամանել Ռուսաց Պատրիարքարանի հրավերով:

Պատվիրակության կազմի մեջ մտնում էին եկեղեցիների համաշխարհային խորհրդի գլխավոր ֆարտուղար ղուկտ. Վիլյամ Վիսսերտ դը Հուֆտը՝ իբրև պատվիրակության ղեկավար, Արևելյան Ասիայի բրիտանական կոնֆեդերացիայի գործադիր ֆարտուղար Ջո Տանը, եկեղեցիների համաշխարհային խորհրդի գլխավոր ֆարտուղարի օգնական և Միջազգային հարցերի հանձնախմբի տնօրեն ղուկտ. Օտտո Նոլդեն, եկեղեցիների համաշխարհային խորհրդի գլխավոր ֆարտուղարի օգնական և էկումենիկ գործունեության բաժնի տնօրեն, Անգլիկան եկեղեցու ֆահանա Ֆրանսիս Հաուսը, էկումենիկ ինստիտուտի տնօրենի օգնական ղուկտ. Նիկոս Նիսսիտիսը:

Պատվիրակությանը ողջեցում էին Մոսկվայի Ռուս Պրովոսլավ եկեղեցու Պատրիարքարանի Արտաֆին հարաբերությանց բաժնի նախագահի տեղակալ Ս. Նիկողիմ վարդապետը և Լենինգրադի Հոգևոր ակադեմիայի դոցենտ Ս. Վիտալիյ ֆահանա Բորովոյը:

Նորին Ս. Օծությունը և Ս. Էջմիածնի միաբանությունը շեմագին ընդունելություն ցույց տվին հյուրերին: Պատվիրակության անդամները դիմեցին Էջմիածնի սրբավայրերը, ծանոթացան Երևանին, այցելեցին մայրաքաղաքի Ս. Սարգիս առաջնորդանիստ եկեղեցին, եղան Մատենադարանում:

Կիրակի, ղեկտեմբերի 13-ին, հյուրերը ներկա եղան Մայր Տաճարի եռօրակառույց մարմարակերտ Ավագ Սեղանի օծման արարողությանը և հայրապետական սուրբ պատարագին: Սուրբ պատարագից հետո Վեհաբանում տեղի ունեցավ ընդունելություն ի պատիվ մեծարգո հյուրերի:

Վեհափառ Հայրապետի ու Գերագույն Հոգևոր Խորհրդի և եկեղեցիների համաշխարհային խորհրդի պատվիրակության միջև, Վեհաբանի դահլիճում, ջերմ մթնոլորտում տեղի ունեցավ մտքերի փոխանակություն Հայաստանայց Ս. եկեղեցու և եկեղեցիների համաշխարհային խորհրդի փոխհարաբերությունների ու եղբայրական կապերի սերտացման վերաբերյալ:

Գեկտեմբերի 14-ի առավոտյան գերհարգելի հյուրերը մեկնեցին դեպի Մոսկվա:

ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴ